

ACORDOS SESIÓN PLENARIA ORDINARIA DÍA 19 DE DICIEMBRE DE 2003.

Central-Actas

1.- Aprobación das actas anteriores, números: 13/03 e 14/03, correspondentes á sesión constitutiva celebrada o 26 de novembro e á extraordinaria celebrada o 3 de decembro de 2003, respectivamente.

2.- Dar conta das Resolucións da Presidencia, da nº 16.800 deica a nº 20.799.

3.- Dar conta da composición das Comisións Informativas.

Economía, Facenda e Especial de Contas

4.- Ampliación da delegación de competencias en materia tributaria por diversos concellos da provincia. 3º Grupo.

Promoción Económica, Emprego e Turismo

5.- Modificación do convenio: Plan de dinamización turística da Costa da Morte.

6.- Convenio “Consortio das Mariñas”, para financiar o proxecto Andar.

Cooperación e Asistencia a Concellos

7.- Aprobación do proxecto reformado da obra “Camiños de Boente a Figueroa e outros”, do Concello de Arzúa, incluída no POS 2003. Código 03.2100.0031.0

Plans Especiais, Contratación e Equipamento

8.- Ratificación da Resolución de Presidencia nº 21.335/2003, relativa á designación dos compoñentes da Mesa de Contratación.

9.- Aprobación do proxecto reformado da obra: Melloras do estadio de atletismo da Malata, do Concello de Ferrol, incluída na 6ª fase da Primeira programación plurianual das obras que ha contratar a deputación, incluídas no Convenio Xunta-Deputación 1997-2001 para a reforma e construción de instalacións deportivas. Código 01.7450.0013.1

Infraestructuras viarias: Vías e Obras

10.- Proposta da addenda do convenio de colaboración entre a Consellería de Política Territorial, Obras Públicas e Vivenda da Xunta de Galicia e a Deputación Provincial da Coruña para o financiamento e articulación da subvención do custo da peaxe no treito A Coruña-A Barcala da autoestrada A-9 para os residentes na provincia da Coruña.

Deporte, Xuventude e Medio Ambiente

11.- Aprobación de prórroga solicitada polo Concello de Vilasantar para xustificar os gastos da Campaña de promoción da agricultura ecolóxica 2003.

Persoal e Réxime Interior

12.- Modificación do numero, características e retribucións do persoal eventual.

13.- Delegación do Pleno da Corporación nos deputados que a representarán nas Mesas Xerais de Negociación

MOCIÓN

.

“1.- APROBACIÓN DAS ACTAS ANTERIORES, NÚMEROS: 13/03 E 14/03, CORRESPONDENTES Á SESIÓN CONSTITUTIVA CELEBRADA O 26 DE NOVIEMBRE E Á EXTRAORDINARIA CELEBRADA O 3 DE DECEMBRO DE 2003, RESPECTIVAMENTE.

Apróbanse as actas anteriores, números 13/03 e 14/03, correspondentes á sesión constitutiva celebrada o 26 de novembro e á extraordinaria celebrada o 3 de decembro de 2003, respectivamente.

2.- DAR CONTA DAS RESOLUCIÓNS DA PRESIDENCIA, DA N° 16.800 DEICA A N° 20.799.

Dáse conta das resolucións da presidencia, da n° 16.800 deica a n° 20.799.

3.- DAR CONTA DA COMPOSICIÓN DAS COMISIÓNS INFORMATIVAS.

Dáse conta da composición das Comisións Informativas, quedando como segue

COMISIONS INFORMATIVAS	SESIÓN ORDINARIA	PRESIDENTE SECRETARIO	PSOE
Infraestructuras viarias: Vías e Obras Provinciais	<u>Mensual:</u>	P: Francisco Candela Castrillo S: Luis Jaime Rodríguez Fernández	Francisco Candela Castrillo (Pte) José García Liñares Antonio S. Lagares Pérez Manuel Noceda Lamela
Cultura, Educación e Patrimonio Histórico-Artístico	<u>Mensual:</u>	P: Celestino Poza Domínguez S: Mercedes Fernández-Albalat	Celestino Poza Domínguez (Pte) José F. Nogueira Fernández Francisco Candela Castrillo Ramón Quintáns Vila
Deporte, Xuventude e Medio Ambiente	<u>Mensual:</u>	P: Ramón Quintáns Vila S: Rogelio López Cardalda	Ramón Quintáns Vila (Pte) Pilar Souto Iglesias Celestino Poza Domínguez José F. Nogueira Fernández
Persoal e Réxime Interior	<u>Mensual:</u>	P: Germán Díz Arén S: Ana Marcos García	Germán Díz Arén (Pte) Pilar Souto Iglesias José Luis Armada Castro Antonio S. Lagares Pérez
Plans Especiais, Contratación e Equipamento	<u>Mensual:</u>	P: José F. Nogueira Fernández S: Luis J. Rodríguez Fernández	José F. Nogueira Fernández (Pte) José Luis Armada Castro Germán Díz Arén José García Liñares
Economía, Facenda e Especial de Contas	<u>Mensual:</u>	P: Antonio S. Lagares Pérez S: M ^a José Vázquez Sesmonde	Antonio S. Lagares Pérez (Pte) Francisco Candela Castrillo José Nogueira Fernández Ramón Quintáns Vila

<p><i>Cooperación e Asistencia ós concellos</i></p>	<p><u>Mensual:</u></p>	<p>P: Xaime Bello Costa S: Susana Rouco Penabad</p>	<p>José García Liñares José Luis Armada Castro Germán Díz Arén Manuel Noceda Lamela</p>	<p>J l l l l</p>
<p><i>Benestar Social, Políticas de Igualdade de Xénero e Normalización Lingüística</i></p>	<p><u>Mensual</u></p>	<p>P: Margarida Vázquez Veras S: Sagrario Liaño Pedreira</p>	<p>Manuel Noceda Lamela Pilar Souto Iglesias Celestino Poza Domínguez José García Liñares</p>	<p>l l A J J</p>
<p><i>Promoción Económica, Emprego e Turismo</i></p>	<p><u>Mensual</u></p>	<p>P: Pablo Villamar Díaz S: Rafael Díaz-Aguado Jalón</p>	<p>Francisco Candela Castrillo Manuel Noceda Lamela Jose Luis Armada Castro Celestino Poza Domínguez</p>	<p>J l A J l</p>

4.- AMPLIACIÓN DA DELEGACIÓN DE COMPETENCIAS EN MATERIA TRIBUTARIA POR DIVERSOS CONCELLOS DA PROVINCIA. 3º GRUPO.

Aceptar a ampliación de competencias delegadas en materia tributaria acordada por diversos concellos da provincia, en relación coas materias e concellos seguintes:

- Xestión, inspección e recadación voluntaria e executiva do imposto sobre vehículos de tracción mecánica ou do imposto municipal que o complemente ou substitúa no futuro: Concellos de Pontedeume, Sada e San Sadurniño.
- Xestión, inspección e recadación voluntaria e executiva do imposto sobre o incremento de valor dos terreos de natureza urbana: Concello de Sada.
- Recadación voluntaria e executiva das sancións municipais por infraccións da Lei sobre tráfico, circulación de vehículos a motor e seguridade vial, incluíndo a colaboración previa cos concellos para a identificación dos propietarios dos vehículos cos que se cometeron as infraccións: Concellos de Padrón , Sada e Arteixo.
- Recadación voluntaria e executiva das seguintes taxas municipais:
 - ◆ Recollida de lixo: Concellos de Oroso, Pontedeume, Sada e San Sadurniño.
 - ◆ Servizo de sumidoiros: Concello de Paderne.
 - ◆ Autorización de entrada e saída de vehículos: Concellos de Oroso e Pontedeume.

A aceptación destas competencias realízase condicionada a que os correspondentes acordos municipais sexan elevados a definitivos.

O exercicio das competencias delegadas obxecto de aceptación levarase a cabo nos termos establecidos nas Bases para a presentación de servizos tributarios ós concellos da provincia e terá efectos dende o día 1 de xaneiro de 2004.

5.- MODIFICACIÓN DO CONVENIO: PLAN DE DINAMIZACIÓN TURÍSTICA DA COSTA DA MORTE.

1.-Aprobar as modificacións ao convenio suscrito o pasado 9 de maio de 2003 entre a representación da Secretaría Xeral de Turismo do Ministerio de Economía e Facenda, a Consellería de Cultura, Comunicación Social e Turismo da Xunta de Galicia, a Excm. Deputación Provincial da Coruña, a Asociación Provincial de Empresarios de Hostalería da Coruña e a Asociación Profesional do sector turístico de Costa da Morte, para promover o Plan de dinamización turística da Costa da Morte.

2.-A redacción literal das modificacións ao convenio son as seguintes:

Modificación do convenio de colaboración entre o Ministerio de Economía, a Consellería de Cultura, Comunicación Social e Turismo da Comunidade Autónoma de Galicia, Deputación Provincial da Coruña, a Asociación Provincial Profesional do Sector Turístico de Costa da Morte, para o desenvolvemento dun Plan de dinamización turística en Costa da Morte.

En Madrid, de de 2003.

REUNIDOS

Dunha parte:

O Excmo. Sr. D. Miguel Crespo Rodríguez, en calidade de subsecretario do Ministerio de Economía, nomeado polo Real decreto 676/2000, do 5 de maio, e actuando de conformidade co apartado segundo F da Orde do 25 de xullo de 2001, que delega a competencia que para subscribir convenios correspondentes ao titular do departamento segundo o establecido na disposición adicional décimo terceira da Lei de réxime xurídico das Administracións públicas e do procedemento.

Doutra:

O Excmo. Sr. D. Jesús Varela, conselleiro de Cultura, Comunicación Social e Turismo, nomeado polo Decreto 308/2001, do 15 de decembro e ao abeiro das facultades que, para vencellarse neste acto, ten conferidas na Lei do Parlamento de Galicia 1/1983, da Xunta de Galicia e do seu presidente, e no artigo 2º da resolución do 8 de abril de 1991, pola que se fai público o acordo do Consello da Xunta de Galicia, do 27 de marzo de 1991, sobre convenios de cooperación con outras entidades públicas e de colaboración con outros entes públicos e de colaboración con particulares así como de conformidade ao acordo do Consello da Xunta de Galicia con data...

Doutra:

O Ilmo. Sr. D. Salvador Fernández Moreda, como presidente da Excma. Deputación Provincial da Coruña, nomeado por Acordo do Pleno do 26 de novembro de 2003, e consonte coa habilitación realizada polo Pleno do 19 de decembro de 2003, para a subscripción do presente convenio, actuando en representación da Excma. Deputación Provincial da Coruña, en virtude do disposto no artigo 21, apartado 1, letra b da Lei 7/1985 do 2 de abril reguladora das bases do réxime local, e de acordo coa autorización do Pleno con data do...

Doutra:

O Sr. D. Eliseo Calviño Lema, presidente da Asociación Provincial de Empresarios de Hostelería de A Coruña por acordo do nomeamento con data do 14 de abril de 1998, en virtude do artigo 40 dos estatutos da asociación que lle outorga potestade para a sinatura deste convenio.

E doutra:

O Sr. D. Carlos Taibo Pombo, presidente da asociación profesional do sector turístico de Costa da Morte, por aordo do nomeamento con data do 20 de xaneiro de 2002, en virtude do artigo 25 do estatuto da asociación, que lle outorga potestade para asinar o presente convenio.

Todos recoñecen na representación que desempeñan capacidade para formalizar o presente convenio e para tal efecto

EXPOÑEN

Que con data do 9 de xuño de 2003, asinaron un convenio de colaboración para o desenvolvemento dun Plan de dinamización turística en Costa de Morte, en concreto, para os concellos de: Fisterra, Muxía, Cee, Dumbría, Corcubión, Camariñas, Vimianzo, Zas, Malpica de Bergantiños, Ponteceso, Laxe, Cabana de Bergantiños, Carballo, Coristanco, A Laracha, Muros e Carnota.

Que segundo a cláusula décimo cuarta do convenio, este terá unha duración de cinco anos a partir da data da sinatura (9 de xuño de 2003), excepto no que se refire ao compromiso de achega financeira, que será de catro anos.

Que na cláusula quinta, parágrafo primeiro do citado convenio concretase a distribución de anualidades nas que se establecen as achegas da Consellería de Cultura, Comunicación Social e Turismo da Xunta de Galicia ao Plan de dinamización turística da Costa da Morte e a forma de xustificación dela. En concreto, a citada consellería comprométese a achegar catrocentos dezasete mil cincocentos euros (417.500 €) no ano 2003.

Que a cláusula duodécima establece que a Deputación Provincial da Coruña dispón dun ano para executar e xustificar as actuacións aprobadas desde a data da sinatura do convenio no primeiro ano e nos seguintes desde a data da sinatura do acordo da Comisión de Seguimento na que se determinen.

Que por circunstancias sobrevidas relacionadas co retraso na constitución da Deputación Provincial da Coruña, demóstrase imposible xustificar na presente anualidade orzamentaria a totalidade da cantidade arriba consignada.

Que de acordo co texto refundido da Lei de réxime financeiro e orzamentario de Galicia é posible incorporar os remanentes de crédito a exercicios futuros.

Por isto, as entidades asinantes, sen renunciar ás súas competencias, acordan subscribir a presente addenda ao convenio con data do 9 de xuño de 2003, co obxecto de reaxustar a distribución das anualidades nas que se realizará a achega da Consellería de Cultura, Comunicación Social e Turismo da Xunta de Galicia, coas seguintes

CLÁUSULAS:

Primeira. Modificar o epígrafe primeiro e segundo da cláusula quinta do convenio para o desenvolvemento dun Plan de dinamización turística en Costa da Morte, que queda redactado como segue:

“As achegas da Consellería de Cultura, Comunicación Social e Turismo da Comunidade Autónoma de Galicia efectuaranse conforme ao seguinte cadro de distribución de anualidades:

Anualidades	2003	2004	2005	2006	2007
		313.500	467.500	467.500	417.500

A Consellería de Cultura, Comunicación Social e Turismo da Comunidade Autónoma de Galicia no 2004 efectuará a súa achega con cargo ós seus orzamentos, aplicación orzamentaria 10.05.651V.760.8, e as de anos sucesivos, con cargo ás aplicacións orzamentarias correspondentes, e aboarase conforme co cadro de distribución de anualidades especificado na presente cláusula, quedando condicionada a validez deste convenio á

existencia, na anualidade respectiva, de crédito adecuado e suficiente para financiar as obrigas derivadas del.”

Segunda. Modifícase a cláusula duodécima introducindo o seguinte apartado: “No caso da Comunidade Autónoma Galega, a xustificación realizarase antes do finalizar o ano natural e conforme á norma de procedemento que para o efecto dicte a Consellería de Economía e Facenda da Xunta de Galicia.”

Terceira. Modifícase a cláusula décimo cuarta, que queda redactada como segue: “O presente convenio terá unha duración de cinco anos, a partir da data da súa sinatura, agás no que se refire ao compromiso de achega financeira, que será de catro anos, consonte sempre co réxime de achegas establecido para cada Administración que subscribe o convenio, nas cláusulas cuarta, quinta e sexta respectivamente. Non obstante poderá producirse a súa resolución antes de cumprido este prazo por mútuo acordo das partes, incumprimento ou denuncia dalgunha delas. Neste último caso, a parte interesada deberá poñelo en coñecemento das outras ao menos con dous meses de antelación á finalización da anualidade en curso, de modo que a denuncia produza efectos a partir da anualidade seguinte.”

E en proba de conformidade asínano en exemplar sextuplicado, os intervenientes, no lugar e data indicados no encabezamento.

3.-Facultar ao Ilmo. Sr. presidente da Corporación para a sinatura das modificacións ao convenio e cantas actuacións resulten necesarias para o seu cumprimento.

6.- CONVENIO “CONSORCIO DAS MARIÑAS”, PARA FINANCIAR O PROXECTO ANDAR.

1.- Aprobar o texto do convenio que se ha subscribir entre a Excma. Deputación Provincial da Coruña e o Consorcio das Mariñas para promover o convenio administrativo que determina as obrigas de ambas as partes para desenvolver o Proxecto ANDAR con arreglo ó detalle que figura no proxecto.

2.- A achega provincial establecida no convenio ascende a un total de 141.233,16 euros (20% do total).

3.- Facultar á Presidencia para a sinatura do presente convenio.

4.- O texto íntegro do convenio é o que se xunta como anexo ó presente dictame:

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONSORCIO DAS MARIÑAS

A Coruña, de de dous mil tres

REUNIDOS

Dunha parte, o Ilmo. Sr. D. Salvador Fernández Moreda, presidente da Excma. Deputación Provincial da Coruña

Doutra, o Sr. D. Julio Sacristán de Diego, presidente do Consorcio das Mariñas.

Ambos actuando para e por conta das entidades que representan, no exercicio das funcións e poderes que legalmente posúen e mutuamente se recoñecen,

EXPOÑEN

Primeiro:

A Deputación da Coruña que ten atribuída legalmente a competencia de fomento dos intereses da provincia, consente da importancia que para o desenvolvemento social e económico do seu territorio ten a participación de entidades públicas e privadas nos programas europeos, apoia a execución de proxectos comunitarios que axuden a mellorar a integración social, a renda e a calidade de vida dos seus habitantes.

O Consorcio das Mariñas ten como obxecto fundacional a prestación de servicios comúns aos concellos integrantes do consorcio e o desenvolvemento económico e social na súa zona de actuación, facilitando unha estrutura de concertación e cooperación, que coadxuve á consecución destes obxectivos.

Segundo:

A Dirección Xeral da Administración Local (Mº de Administracións Públicas), dentro da convocatoria para a concesión de axudas con cargo á subvención global do Fondo Social Europeo, establecidas nos Programas operativos P.O. 2000 ES 051P0017 (obxectivo 1) e PO 2000 ES 53PO313 (obxectivo 3), convocatoria realizada por Resolución do 25 de xuño de 2002 da Secretaría de Estado de Organización Territorial do Estado, consonte coa súa comunicación do 30 de xaneiro de 2003, conceden subvención do Fondo Social Europeo ao Proxecto ANDAR, presentado pola Deputación Provincial da Coruña en nome do Consorcio das Mariñas, consonte coa Resolución de Presidencia núm. 15.585 do 14.10.02, e a súa complementaria núm. 619 do 27.01.03.

Terceiro:

Sendo o Consorcio das Mariñas a entidade promotora do Proxecto ANDAR, e sendo a Deputación da Coruña a entidade titular e responsábel perante o MAP da xestión do dito proxecto, ambas as institucións conscentes da necesidade aseguran a súa correcta execución, veñen a establecer un acordo de colaboración coas seguintes

CLÁUSULAS

PRIMEIRA: OBXECTO

A Deputación da Coruña, entidade titular e responsábel do Proxecto ANDAR perante o MAP, delega a execución do proxecto no Consorcio das Mariñas.

SEGUNDA: EXECUCIÓN DO PROXECTO E A SÚA XUSTIFICACIÓN

O consorcio das Mariñas xestionará directamente o Proxecto ANDAR e suxeitará todas as súas actuacións ao disposto nas bases reguladoras de concesión das axudas da convocatoria para o ano 2002 da subvención global do F.S.E. disposta no Programa operativo de fomento do emprego das rexións obxectivo 1, aprobadas por Resolución da Secretaría de Estado para a Administración Local (MAP), do 25.06.02; e ás instrucións aprobadas por Resolución do 06.02.03 do director xeral para a Administración local (MAP)

en relación coa aplicación e desenvolvemento destas bases reguladoras que se acompañan como anexo a este convenio.

Así mesmo, o consorcio estará ás recomendacións de boa xestión que lle realice a Presidencia da Deputación por proposta das unidades provinciais responsábeis da execución, Servicio de Planificación e Control, e control financeiro do proxecto, a Intervención de Fondos Provinciais.

TERCERA: FINANCIAMENTO

O Proxecto ANDAR financiarase coas seguintes achegas:

Fondo Social Europeo (MAP)	494.316,05 €(70%)
Deputación da Coruña	141.233,16 €(20%)
Consortio das Mariñas	70.616,58 €(10%)
Total do proxecto	706.165,78 €

O financiamento das achegas da Deputación da Coruña e do Fondo Social Europeo recóllense na Aplicación orzamentaria provincial 0104/322H/46799.

CUARTA: FORMA DE PAGAMENTO

O reembolso ao consorcio dos gastos pagados e efectivamente certificados con cargo ao proxecto efectuarase consonte coas normas citadas na cláusula segunda e en particular:

- O pagamento do 20% da achega provincial efectuarase unha vez aprobada por resolución da Presidencia a correspondente certificación de gastos presentada, que alcance o importe de dita achega provincial.

- O pagamento do 70% da achega do F.S.E. correspondente á certificación de gastos presentada e aprobada efectuarase unha vez lle sexa comunicada oficialmente polo MAP a remisión da dita achega á deputación.

As propostas de pagamento serán informadas polos Servicios de Planificación, Patrimonio e pola Intervención Xeral.

No caso de que os gastos xustificados foran superiores aos mencionados na cláusula terceira, a achega da deputación non superará a cantidade indicada na dita cláusula.

QUINTA: RESPONSABILIDADES DE XESTIÓN

Serán aplicables ao consorcio todas as obrigas e responsabilidades que a Deputación da Coruña asuma por ser beneficiaria do financiamento do Fondo Social Europeo para executar o Proxecto ANDAR. En concreto, o Consorcio das Mariñas deberá designar:

- 1) un responsábel e depositario da documentación administrativa,
- 2) Un responsábel de control financeiro e da custodia da documentación contábel do proxecto.

SEXTA: DIRECCIÓN TÉCNICA

A dirección técnica do presente convenio corresponderalle ao Servicio de Planificación e Control/IPE.

SÉTIMA: VIXENCIA

O presente convenio finalizará co cumprimento íntegro do obxectivo previsto nel e, en todo caso, o 31 de decembro de 2004.

O convenio prorrogarase automaticamente para os únicos efectos de, se é o caso, satisfacer as cotas pendentes de pagamento do Fondo Social Europeo.

Será causa de extinción do convenio a anulación da subvención concedida, cando isto derive de incumprimentos non imputábeis á Deputación da Coruña.

OITAVA: NATUREZA XURÍDICA

O presente convenio ten natureza administrativa, as cuestións litixiosas que puideran xurdir en relación con el serán competencia da xurisdicción contencioso administrativa. para a resolución de dúbidas ou lagoas que puideran xurdir na súa interpretación estarase ao disposto no Texto 2/2000, de 16 de xuño, de contratos das Administracións públicas.

En proba de conformidade, as dúas partes co contido íntegro do convenio asínano en exemplar cuadruplicado no lugar e data indicados no seu encabezamento.

Lido por ambas as partes e en proba de conformidade asínano e outorgan en exemplar triplicado, na cidade e data arriba indicadas.

7.- APROBACIÓN DO PROXECTO REFORMADO DA OBRA “CAMIÑOS DE BOENTE A FIGUEROA E OUTROS”, DO CONCELLO DE ARZÚA, INCLUÍDA NO POS 2003. CÓDIGO 03.2100.0031.0

Aproba-lo proxecto reformado da obra "**Camiños de Boente a Figueroa e outros**" do Concello de Arzúa incluída no Plan provincial de cooperación ás obras e servizos de competencia municipal (POS) 2003 (Código 03.2100.0031.0) cun presuposto de contrata de **55.015,98 €** que non representa unha variación no seu presuposto total, pero si implica unha alteración substancial do contido do proxecto xa que se produce un cambio dun camiño por outro.

<u>Código</u>	<u>Concello</u>	<u>Denominación</u>	<u>Deputación</u> <u>F. propios</u>	<u>Deputación</u> <u>préstamo</u>	<u>Estado</u>	<u>Concello</u>	<u>Presuposto</u> <u>total</u>
03.2100.0031.0	Arzúa	Camiños de Boente a Figueroa e outros	22.270,47	21.549,76	8.444,95	2.750,80	55.015,98

8.- RATIFICACIÓN DA RESOLUCIÓN DE PRESIDENCIA Nº 21.335/2003, RELATIVA Á DESIGNACIÓN DOS COMPOÑENTES DA MESA DE CONTRATACIÓN.

Ratifica la Resolución da Presidencia nº 21.335 con data do 10/12/2003 que literalmente di:

El Real Decreto Legislativo 2/2000, de 16 de junio por el que se aprueba el Texto Refundido de la Ley de Contratos de las Administraciones Públicas, dispone en su artículo 81 que: "1.- Salvo en los supuestos previstos en el artículo 12.4, el órgano de contratación para la adjudicación de los contratos por procedimiento abierto o restringido estará asistido por una Mesa [...]"

constituída con data do 26 de novembro de 2003 a nova Corporación Provincial.

PROCEDE:

Designar os integrantes da Mesa de Contratación para concursos e poxas, con procedemento aberto ou restrinxido, ás seguintes persoas:

	TITULARES	SUPLENTES
<u>PRESIDENTE</u>	Deputado Provincial D. José Federico Nogueira Fernández	Deputada Provincial Dna. Pilar Souto Iglesias
<u>VOCALES</u>	A) Secretario xeral (con funcións de Asesoramento xurídico) D. José Luis Almu Supervía	Ltrado asesor xurídico D. Ramón Valentín López Rey
	B) Interventor xeral D. Jesús Loscos Puig.	B) Viceinterventor D. José Manuel Pardellas Rivera
	C) Xefe do Servicio de Patrimonio e Contratación. D. Luis Jaime Rodríguez Fernández.	Xefe da Sección de Patrimonio e Contratación D. Manuel Pérez Queiro.
<u>SECRETARIO</u>	Oficial Maior Dña. María Amparo Taboada Gil	Xefe do Servicio de Patrimonio e Contratación. D. Luis Jaime Rodríguez Fernández.

Conforme co disposto no artigo 81.2 do Real Decreto Lexislativo 2/2000, de 16 de xuño polo que se aproba o Texto Refundido da Lei de contratos das Administracións Públicas, a Mesa de Contratación poderá solicitar, antes de formular a súa proposta, os informes técnicos que considere precisos e se relacionen co obxecto do contrato.

9.- APROBACIÓN DO PROXECTO REFORMADO DA OBRA: MELLORAS DO ESTADIO DE ATLETISMO DA MALATA, DO CONCELLO DE FERROL, INCLUÍDA NA 6ª FASE DA PRIMEIRA PROGRAMACIÓN PLURIANUAL DAS OBRAS QUE HA CONTRATAR A DEPUTACIÓN, INCLUÍDAS NO CONVENIO XUNTA-DEPUTACIÓN 1997-2001 PARA A REFORMA E CONSTRUCCIÓN DE INSTALACIÓNS DEPORTIVAS. CÓDIGO 01.7450.0013.1

1º) Aprobar por un importe total de 1.010.593,89 euros, sobre o presuposto de contrata, o proxecto reformado da obra “Melloras estadio de atletismo da Malata” do Concello de Ferrol, código 99.7450.0013.0, que foi incluída na 6ª fase da Primeira programación plurianual do Convenio Xunta-Deputación de instalacións deportivas 1997-2001, aprobada polo Pleno da Deputación en sesión celebrada o 26 de maio de 2000.

Aprobar, así mesmo, a modificación do financiamento por razón do incremento experimentado no presuposto do proxecto reformado que ascende a 161.175,56 euros sobre contrata e 150.828,10 euros sobre adxudicación. (Código do reformado: 01.7450.0013.1).

O financiamento do citado incremento farao efectivo íntegramente a Deputación con cargo ao crédito dispoñible existente na partida do convenio 0501/452D/60173 do vixente presuposto provincial.

2º) Aprobar por un importe total de 40.188,17 euros, sobre o presuposto de contrata, os honorarios correspondentes a dirección e coordinación de seguridade e saúde relativos ao proxecto reformado da obra “Melloras estadio de atletismo da Malata”, código 99.7450.0013.1, que foron incluídos xunto coa obra na 6ª fase da Primeira programación plurianual do Convenio Xunta-Deputación de instalacións deportivas 1997-2001.

Aprobar, así mesmo, a modificación do financiamento por razón do incremento experimentado no presuposto dos honorarios de dirección e coordinación de seguridade e saúde do proxecto técnico reformado desta obra, que ascende a 7.247,84 euros sobre o presuposto de contrata, e 6.160,38 sobre presuposto de adxudicación.

O financiamento do citado incremento farao efectivo íntegramente a Deputación con cargo ao crédito dispoñible en remanentes na Partida do convenio 0501/452D/60173 do vixente presuposto provincial.

3º) Someter este expediente a exposición pública polo prazo de dez días mediante a publicación dun anuncio no BOP, co obxecto de que se formulen as alegacións que se estimen oportunas, así como remitilo polo mesmo prazo para coñecemento e informe da Xunta de Galicia e a Comisión Galega da Cooperación Local.

No caso de non se presentaren reclamacións ou alegacións ó devandito, entenderase definitivamente aprobado.

10.- PROPOSTA DA ADDENDA DO CONVENIO DE COLABORACIÓN ENTRE A CONSELLERÍA DE POLÍTICA TERRITORIAL, OBRAS PÚBLICAS E VIVENDA DA XUNTA DE GALICIA E A DEPUTACIÓN PROVINCIAL DA CORUÑA PARA O FINANCIAMENTO E ARTICULACIÓN DA SUBVENCIÓN DO CUSTO DA PEAXE NO TREITO A CORUÑA-A BARCALA DA AUTOESTRADA A-9 PARA OS RESIDENTES NA PROVINCIA DA CORUÑA.

1.- Aprobar a addenda do convenio de colaboración entre a Consellería de Política Territorial, Obras Públicas e Vivenda da Xunta de Galicia e a Deputación Provincial da Coruña para o financiamento e articulación da subvención do custo do peaxe no tramo A Coruña-A Barcala da autoestrada AP-9 para os residentes na provincia da Coruña, de conformidade coa cláusula 5ª do convenio aprobado en sesión plenaria celebrada o 29/11/02 e formalizado o 20/12/02, cunha achega provincial para o 2004 de 75.000,00 euros, condicionada a existencia de crédito adecuado e suficiente na aplicación orzamentaria 0202/513.B/489.99 (documentos contables RCP-03/0002 nº rexistro 10.003 de 26/11/03 e minorado por documento contable nº 10.320 do 12/12/03)

2.- "É vontade do Pleno da Deputación Provincial da Coruña poñer de manifesto ante a Consellería de Política Territorial, Obras Públicas e Vivenda da Xunta de Galicia e do Ministerio de Fomento que o financiamento por parte da Deputación Provincial da Coruña do 50% do custo da peaxe no tramo de autoestrada entre A Coruña e A Barcala tan só pode considerarse unha medida temporal cara o obxectivo irrenunciable de conseguir a efectiva supresión desta peaxe. Tras a privatización da autoestrada AP-9, tan prexudicial para os intereses de Galicia, correspóndelle ó Ministerio de Fomento a negociación coa empresa adxudicataria desa privatización que faga posible levar a efecto a supresión da peaxe citada.

Por todo o exposto o Pleno da Deputación da Coruña

ACORDA:

Instar ó Ministerio de Fomento e á Consellería de Política Territorial, Obras Públicas e Vivenda da Xunta de Galicia, para que de acordo coas súas respectivas competencias e responsabilidades, de forma inmediata, adopten as medidas efectivas para a supresión das peaxes nos tramos de carácter metropolitano do entorno da Coruña, e en concreto no referido á Autoestrada do Atlántico, AP-9, no tramo da Barcala ata A Coruña.

3.- Instar ó Ministerio de Fomento e á Consellería de Política Territorial, Obras Públicas e Vivenda da Xunta de Galicia e Concello da Coruña para que de acordo coas súas respectivas competencias e responsabilidades, aceleren os trámites para iniciar a

construcción da denominada Terceira Ronda que axudará á desconxestión do tráfico da Area Metropolitana de A Coruña.

11.- APROBACIÓN DE PRÓRROGA SOLICITADA POLO CONCELLO DE VILASANTAR PARA XUSTIFICAR OS GASTOS DA CAMPAÑA DE PROMOCIÓN DA AGRICULTURA ECOLÓXICA 2003.

Aprobar a prórroga solicitada polo Concello de Vilasantar para xustificar o custo de elaboración dunha campaña de promoción da agricultura ecolóxica.

O prazo de xustificación será, como límite máximo, o 12 de marzo de 2004.

12.- MODIFICACIÓN DO NÚMERO, CARACTERÍSTICAS E RETRIBUCIÓNS DO PERSOAL EVENTUAL.

1.- Tomar razón da renuncia do portavoz do Grupo do Partido Popular á percepción da dedicación exclusiva.

2.- Modifica-lo acordo adoptado na sesión do día 03/12/2003, nos seguintes termos:

1º.- O número, características e retribucións do persoal eventual da Deputación Provincial da Coruña será o seguinte:

Nº	CARACTERÍSTICAS	NIVEL COMPLEMENT O DESTINO	RETRIBUCIÓNS ANUAIS DE CADA POSTO DE TRABALLO
2	ASESORES (ESPECIAL DEDICACIÓN)	28	56.066,02 €
5	TÉCNICOS (ESPECIAL DEDICACIÓN)	26	44.129,76 €
4	TÉCNICOS (ESPECIAL DEDICACIÓN)	24	39.921,46 €
3	TÉCNICOS (ESPECIAL DEDICACIÓN)	21	30.989,00 €
8	ADMINISTRATIVOS (ESPECIAL DEDICACIÓN)	19	24.664,60 €
3	AUXILIARES ADMÓN. (ESPECIAL DEDICACIÓN)	16	20.680,06 €
6	AUXILIARES ADMÓN. (DEDICACIÓN NORMAL)	16	16.081,30 €

2º.- As retribucións expresadas incrementaranse anualmente nos mesmos termos que se determinen para os postos de traballo de persoal funcionario consonte coas previsións xenéricas que se establezan nos Orzamentos xerais do Estado.

13.- DELEGACIÓN DO PLENO DA CORPORACIÓN NOS DEPUTADOS QUE A REPRESENTARÁN NAS MESAS XERAIS DE NEGOCIACIÓN.

Delegar en D. Germán Diz Arén, Dna. Dilar Souto Iglesias e Dna. Margarida Vázquez Veras como titulares e D. José Nogueira Fernández, D. Francisco Candela Castrillo e D. Pablo Villamar Díaz como suplentes, a representación da Corporación nas Mesas Xerais de Negociación de Pactos, Acordos e Convenios Colectivos do Persoal Funcionario e Laboral.

MOCIÓNS

MOCIÓN SOBRE RÉXIME DE SESIÓN DO PLENO

“RÉXIME DE SESIÓNS DO PLENO.- A partir de xaneiro de 2004, as sesións ordinarias do Pleno da Deputación Provincial celebraranse con periodicidade mensual, o último venres de cada mes, ás dezoito horas. Se o día sinalado fose inhábil, a sesión ordinaria celebrárase o inmediatamente anterior hábil, ás dezoito horas.”